



UNIVERSITÄTS-
BIBLIOTHEK
PADERBORN

Vita Et Doctrina Jesu Christi

Avancini, Niccolò

Coloniae Agrippinae, 1689

Hebdomada IV. Adventus.

[urn:nbn:de:hbz:466:1-59970](https://nbn-resolving.org/urn:nbn:de:hbz:466:1-59970)

tem aptasti mihi. Tunc dixi: Ecce venio.
 Hebr. 5. Offert Patri se, sua, corpus, animam,
 & quàm promptissimè: quia cognoscit hæc
 esse ab illo. Quid tu habes, quod non fit à
 Deo? cur non illi omnia? cur tibi, cur sensui
 multa immolas?

2. *Ecce venio, ut faciam Deus volunta-
 tem tuam.* Ibid. Vidit statim decretam sibi à
 Deo paupertatem, contemptum, passionem,
 mortem; promptissimè excipit ipso primo
 momento Crucem, voluntate suâ totâ in
 Dei voluntatem transfusâ Confer te cum
 Christo, quàm conformis sis voluntati Di-
 vinæ, præsertim in arduis, quàm ames, aut
 fugias Crucem

3. *Quæ placita sunt ei, facio semper.* Joan.
 8. Quia summè ei placet gloria sua, & salus
 nostra; huc statim intentione sua respexit,
 eâq; purissimâ. Perdis omnia, quæ non huc
 dirigis O quantam hæctenus jacturam feci-
 sti! Quod posthac facturuses, purum sit,
 ut nihil sensus interveniat.

DOMINICA IV. ADVENTUS.

B. Virgo Elisabetham invisit.

1. **E**xurgens Maria in diebus illis abiit in
 Emontana cum festinatione. Luc 1.
 Concepto Deo abit in ardua. Inhabitantis
 Dei signum est ad difficilia se resolvere Con-
 cepto

cepto Deo exit in publicum. Necessarium est latere donec Dei spiritus sit in te; ante non tuto agis cum proximo. Ut Joannem peccato solvat, relinquit amatam solitudinem. Relinquendus Deus propter Deum.

1. *Exultavit infans in utero ejus, & repleta est Elisabeth Spiritu Sancto Ibid.* Effectus hi sunt visitationis Mariæ. Infans mundatur, sanctificatur, nondum natus propheta gestu; Elisabeth illuminatur, agnoscit Matrem Dei, extollit eam, humiliat se. Deus omnia nos habere voluit per Mariam. Huic tuam necessitatem expone: ab illa mendica.

3. *Magnificat anima mea Dominum. Ibid.* Laudata laudem refundit in Deum, seve humiliat. Quidquid à Deo tibi adfluat, ad tuum nihilum redi; magnifica illum, sublimem de eo sensum concipe.

F E R I A II.

S. Joseph de mysterio Incarnationis instruitur.

1. *Joseph autem vir ejus cum esset justus & nollet eam traducere, voluit occurrere ei. Matth. i.* Videt gravidam non novit mysterium; angitur, sed non improbat, in melius interpretatur; cogit

de dimittenda sed occultè ut famæ consu-
leret. Disce 1. prudenter adversa tolerare,
non murmurare. 2. alienos defectus apud
te excusare; apud alios tegere.

2. Angebatur & Virgo, quæ sciebat angere
Josephum; se de adulterio suspectam se
periclitari de dimissione. Silet tamen, neq;
excusationem adfert: committit se Deo in-
nocentiæ defensori. Etiam de sanctis sini-
stra formantur judicia: sile si tibi hoc contin-
gat. Deo te comitte, qui providentia sua
omnia ordinabit in bonum.

3. *Angelus Domini apparuit ei in somnis
dicens: Ioseph fili David. noli timere acci-
pere MARIAM.* Ibid. Tribulari vult Deus
justos, non opprimi; præstat Divina auxilia,
cùm desunt humana. Docet mysterium In-
carnationis Josephum. Quod tam hujus
quàm MARIÆ gaudium? Ita sunt curæ Deo,
qui se illi committunt.

F E R I A III.

Nascitur Joannes Baptista.

1. **P**Eperit filium, & audierunt vicini,
quia magnificavit Dominus miseri-
cordiam suam cum illa. Luc. 1. 1 exi-
mendo illam à dedecore sterilitatis. Si tam
turpis erat sterilitas corporalis, quàm turpis
B 3 coram

coram Deo erit sterilitas animæ! Et hæc tua est. 1. dando filium, qui erit magnus coram Domino Sola magnitudo vera est, quæ coram Deo est. Quid aliam quæris?

2. Peperit filium & audierunt vicini &c. Considera quæ secuta sint natiuitatem Joannis. Gaudent vicini: alii timent: alii mirantur: recipit loquelam pater; repletur Spiritu Sancto; loquitur benedicens Deum prophetat &c. Quantas mutationes facit vir unus zelosus, si quando comparet in populo!

3. Quis putas puer iste erit? etenim manus Domini erat cum illo Luc. i. Præfagitur magnitudinem Joannis ab Angelo prædictam, ex eo quia manus, & favor Dei erat cum illo. hic tamen favor non fecit eum magnum coram mundo, sed contemptum deduxit in desertum, aluit locuistis, vestivit melote, &c. Per hanc viam ducit Deus eos quos vult magnos coram se. Hac & tibi eundem.

F E R I A IV.

Munus ad quod destinatur Joannes

1. **H**ic venit in testimonium, ut testimonium perhiberet de lumine. Joan. i. Testimonium ore, ut Christum prædicaret testimonium opere, ut doctrinam suam san-

guine signaret. Ad hoc vocatus es, ut testimonium perhibeas, non ore tantum, laudando, prædicando; sed multò magis opere, ardua pro eo agendo, & patiendo. Quid egisti? quid passus es? quid in futurum?

2. *Ipse præcedet ante illum in spiritu, & virtute Elia*. Luc. 1, Spiritus Eliæ fuit zelosus, igneus, fortis & imperterritus. Talis fuit Joannes, in eremo ad Jordanem, in urbibus, in carcere, in morte. An & tuus talis? quàm tepidus? quàm debilis? quàm facile deficit?

3. *Parare Domino plebem perfectam*. Non destinatur tantum ad Herodem, aut magnates, sed etiam ad plebem excolendam. Demitte te ad vilissimos, quoniam nullius est vilis anima. Idem omnium est pretium, Sanguis Christi. Hoc exemplum Christi, hoc vocatio tua exigit

F E R I A V.

Expectatio partus.

1. **Q**uem conceperat B. Virgo, summè desiderabat parturire: quia sciebat eum omnium saluti datum, ut hoc opus apertè inchoaret. Desiderabat eum quidem utero sibi unitum habere: sed prævaluit affectus salutis aliorum. Quoties tu Deum concipis per bona proposita? quàm rarò parturis? Insistendum his: aliàs otiosa sunt. Sepone

quandoque etiam spiritualem tuam consolationem, ut salutem aliorum servias: multo magis solatia sensuum. Non perditur filius Dei, sed paritur.

2. Agnita Dei voluntate, ut Christus nasceretur, desiderabat hujus partum B. Virgo, ut eum etiam corporalibus obsequiis prosequeretur, videret, oscularetur, stringeret, gestaret, serviret. Non solum affectum, sed etiam externa opera Deo impendebat.

3. Ad hunc partum quæ se disponebat. Per intensissimos virtutum omnium actus. Non una virtute te, nec lenta ad Deum te pariendum dispones. Necessè est omnibus & in gradu heroico. Quas habes? quas desunt? Heroicis assuesce, quæ fervidam, constantem resolutionem postulant.

F E R I A VI.

Beneficia à Christo in utero existente sanctissimæ Matri colata.

Gestavit filium sine gravedine, sine dolore & tædio. Facile gestatur, quod summè amatur. Privilegium hoc fuit Virginitatis, non tuum. Tibi dictum est, *in dolore paries filios*, id est, proposita tua etiam per difficultates in opus sunt reducenda: facile

ora fient, si ames, Gravis est tibi doctrina Christi, ama; amor omnia dulcorat.

2. Considera quàm adornatum reliquerit Christus thalamum uteri. Qui tantas B. Virginii gratias primo instanti, quo conceptus est, contulit? in quantum putas eas cumulaverit per decem menses: quam intellectui lucem, quem affectum voluntati indidit? Gratulare Virgini. At undè tua cæcitas, & tepiditas, cum læpius Deum recipias? Fortè quia non pateris eum diu tecum morari, te statim ad alia effundis.

3. Considera filios alios nobilitatem à Matre accipere, quoniam *partus sequitur ventrem*. At hic Mater à filio accepit. Regina enim omnium est, quia Mater est Regis universorum, Ab eo nobilis eris, quod pepereris, id est, à tuis actionibus Christo conformibus, non à doctrina, non ab æstimatione.

S A B B A T H O.

Iter Virginis in Bethlehem.

I Exit edictum à Casare (Luc. 2.) licet ex superbia, & avaritia; B. Virgo tamen reveretur in Imperatore terreno auctoritatem Dei; non excusat se graviditate, temporis iniquitate, Nonne hinc discis Superiorio-

periores tuos loco Dei habere, etiam in d
rioribus imperiis.

2. *Ascendit & Ioseph ut profiteretur cu*
MARIA. Ibid. Decreverat Deus, ut filius pa
per, & contemptus nasceretur. Ordinatus
edictum Cæsaris prodeat. Hinc constrin
videtur, ut in Bethleem eat. Sed hac neces
tate tegit suam voluntatem patiendi, hum
litate, patientiam, paupertatem. Quid
go? prodeco sub virtutis colore, sed delicto
celo, amo commoditates, &c. O pudor!

3. *In propria venit, & sui eum non rece*
runt. Joan I. Comitare undique men
cantem hospitium B. Virginem. Vide quæ
indignè excludatur. Expende quis ejus se
sus, maximè quòd *sui eum non recipiant*
qui recipiunt alienigenas. Nonne & tu D
um quandoque cor pulsantem excludis?
cui das locum? aperi ergò posthac illi, clau
de vanitati.

IN NATIVITATE DOMINI

I **F**Actum est autem, cum essent ibi, imp
tum est tempus ut pareret. (Luc. 2.)
bi? Considera vilitatem loci, tempestate
perfrigidam, tempus noctis, circum una
que miseriam, & paupertatem. vis ut in ten
scatur Christus? esto tibi vilis, frigesce
tuæ passiones, ama latere, esto pauper & b

milis. Amat & in te ea Filius Dei, quæ pro se elegit.

2. *Et peperit filium suum primogenitum.*

Ibid Considera quibus actibus reverentiæ, humilitatis, adorationis, amoris B Virgo filium suum exceperit, & statim pro mundi salute Patri obtulerit. Audi vagitum, vide lachrymas: quære cur fleat? Audi respondentem, quòd non habeat imitatore, & statue tu eum sequi.

3. *Et pannis eum involvit.* Ecce pauperitatem Matris, & Filii *Et reclinavit eum in praesepio*: Ecce quomodo à teneris Dei Filius incommoditates amat. Et cur tu fugis? *Quia non erat ei locus in diversorio.* qui creavit te in habitaculum sibi, non invenit locum apud te: & invenit, qui te it perditum.

DIE XXVI. DECEMBRIS.

Sensus Dei, B. Virginis, & Angelorum in Nativitate Christi.

1 **C**Ogita ab æterno Patre tibi ipso Nativitatis instanti dici, *Hic est filius meus dilectus, in quo mihi bene complacui.* 2. Tibi donari ab eo filium, & ejus merita. Quàm dives his eris, si bene utaris, & tibi applices. 3. filius verò patri offert seipsū in victimam

cepto Deo exit in publicum. Necessarium est latere donec Dei spiritus sit in te; ante non tuto agis cum proximo. Ut Joannem peccato solvat, relinquit amatam solitudinem. Relinquendus Deus propter Deum.

1. *Exultavit infans in utero ejus, & repleta est Elisabeth Spiritu Sancto Ibid.* Effectus hi sunt visitationis Mariæ. Infans mundatur, sanctificatur, nondum natus propheta gestu; Elisabeth illuminatur, agnoscit Matrem Dei, extollit eam, humiliat se. Deus omnia nos habere voluit per Mariam. Huic tuam necessitatem expone: ab illa mendica.

3. *Magnificat anima mea Dominum. Ibid.* Laudata laudem refundit in Deum, seve humiliat. Quidquid à Deo tibi adfluat, ad tuum nihilum redi; magnifica illum, sublimem de eo sensum concipe.

F E R I A II.

S. Joseph de mysterio Incarnationis instruitur.

1. *Joseph autem vir ejus cum esset justus & nollet eam traducere, voluit occurrere ei. Matth. 1.* Videt gravidam non novit mysterium; angitur, sed non improbat, in melius interpretatur; cogit